

G R E G Y N O G



BRIFF

Ymgynghorydd Codi Arian

Rhanbarth: Cymru

Math o Swydd: Contract

Ffi: £10,000 gan gynnwys treuliau ond heb gynnwys TAW (mae cyllideb bellach ar gael yng Nghyfnod Cyflwyno'r prosiect, yn amodol ar ddyfarnu grant)

Lleoliad: Gregynog, Powys, Cymru, SY16 3PL

Amserlen: Ebrill 2026 – Mawrth 2027

Mae Ymddiriedolaeth Gregynog yn dymuno penodi Ymgynghorydd Codi Arian i ddatblygu strategaeth codi arian ar gyfer yr Ymddiriedolaeth ac i gael arian cyfatebol ar gyfer prosiect cyfalaf a gefnogir gan Gronfa Treftadaeth y Loteri Genedlaethol, *Codi'r To!*

<https://gregynog.org>

Dyddiad Cau ar gyfer ceisiadau: 1200 prynhawn, 2 Ebrill 2026

Dyddiad arfaethedig y cyfweiliad (ar-lein): Wythnos yn dechrau 13 Ebrill

0.0 Cynnwys

1.0 Cefndir	t 2
2.0 Prosiect	t 4
3.0 Cwmpas y gwasanaethau	t 5
4.0 Amodau'r penodiad	t 7
5.0 Profiad, gwybodaeth a sgiliau	t 8
6.0 Amserlen	t 9
7.0 Proses ymgeisio	t 10
8. Meini prawf asesu	tt 11-12

1.0 Cefndir

Ynglŷn ag Ymddiriedolaeth Gregynog

Cafodd Ymddiriedolaeth Gregynog ei hymgorffori ar 15 Tachwedd 2016 fel Cwmni Cyfyngedig Preifat Rhif 10479711 a rhoddwyd Statws Elusennol iddi gan y Comisiwn Elusennau ar 30 Tachwedd 2018 - Rhif Elusen gofrestredig 1180943.

Er bod Gwasg Gain (Fine Press) Gregynog wedi'i lleoli yng Ngregynog, mae'n Gwmni Cyfyngedig ar wahân ar hyn o bryd. Mae Ymddiriedolaeth Gregynog mewn trafodaethau i gymryd perchnogaeth lawn ohoni yn 2026. Mae Gŵyl Gerdd Gregynog yn gwmni cyfyngedig ar wahân ac nid yw'n rhan o'r Ymddiriedolaeth.

Ynglŷn â Gregynog

Ystâd 750-erw yw Gregynog, sy'n cynnwys y Plas rhestredig Gradd II*, strwythurau concrit cynnar a gerddi wedi'u tirweddu gan William Emes ac yn ddiweddarach y Fonesig Sylvia Crowe, ynghyd â Safle mawr o Ddiddordeb Gwyddonol Arbennig (SoDdGA), gwarchodfa natur ddynodedig ac arboretwm, cronfa ddŵr Gwgia, llyn, ffermdir ac adeiladau. Mae hen goetiroedd derw mes di-goes Gregynog yn rhan o Goedwig Genedlaethol Cymru.

Mae hanes Gregynog yn ymestyn yn ôl ganrifoedd ac efallai ei fod yn fwyaf adnabyddus am ei drigolion yn yr 20fed Ganrif, sef y chwiorydd Gwendoline a Margaret Davies. Chwaraeodd y ddwy fenyw ddyngarol nodedig hyn, a oedd yn entrepreneuriaid cymdeithasol ac yn gasglwyr celf enwog, ran hanfodol yn hanes diwylliannol, addysgol a chymdeithasol Cymru gan ymgartrefu yng Ngregynog.

Mae Ymddiriedolaeth Gregynog wedi ymrwymo i ofalu am y tŷ hanesyddol pwysig hwn a'r ystâd weithio y saif ynddo, gan adnewyddu adnewyddu a gwella'r cyfan. Hyd yma rydym wedi codi oddeutu £800,000 i gyfrannu at ein gwaith cadwraeth natur, adnewyddu ein Gardd Furiog a chreu mynediad i'n gerddi hanesyddol. Mae'r Ymddiriedolaeth wedi dechrau gweithio ar gyfnod datblygu ei hymgyrch *Codi'r To!* gwerth £5 miliwn a gefnogir gan y Gronfa Treftadaeth – a fydd yn gam mawr ymlaen wrth drawsnewid y Plasty a'r casgliadau celfyddyd gain a chymhwysol arbennig sydd ynddo.

Rydym yn croesawu ymwelwyr i gynnal a chreu cynadleddau a thrafodaethau ysgogol, datblygu gweithgareddau newydd a mwynhau amgylchedd adferol. Rydym yn gwerthfawrogi ein hanes ac yn ysbryd y weledigaeth a arddelid gan ei gyn-berchnogion, bydd Gregynog yn parhau i chwarae

rhan bwysig wrth galon Cymru a bywyd economaidd, cymdeithasol a diwylliannol ehangach ein gwlad ar gyfer cenedlaethau'r dyfodol. Bydd ein gofal am Gregynog a'n gwaith adnewyddu yn rhannu ei hud ac yn creu cartref mwyaf croesawgar Cymru ar gyfer natur, dysgu a'r celfyddydau.

2.0 Prosiect Codi'r To! .

Prosiect cyfalaf o gwerth ~£5 miliwn yw *Codi'r To!* Mae'r rhaglen gwaith cyfalaf yn canolbwyntio ar atgyweirio brys a hanfodol ar do Plas Gregynog, sy'n agosáu at ddiwedd ei oes ddefnyddiol. Bydd gwaith cysylltiedig yn atgyweirio neu'n disodli nwyddau dŵr glaw, ffasgiâu ac estyll talcen, ac yn ymgymryd â gwaith hanfodol ar y ddaear i wella draeniad. Mae'r prosiect hefyd yn cynnig y cyfle i addasu'r adeilad ar gyfer newid hinsawdd a gwella'r seilwaith hygyrchedd. Atgyweirio'r to yw'r cam cyntaf wrth Adfer y Plas, gan sicrhau'r lle hudolus hwn ar gyfer cenedlaethau'r dyfodol a datgloi ei botensial ehangach.

Ochr yn ochr â'r gwaith cyfalaf, mae'r prosiect yn gwahodd pobl i ymgysylltu â stori hynod y Chwirydd Davies yn eu hen gartref, trwy eu casgliadau, yn ogystal ag o fewn amgylchoedd naturiol rhagorol Gregynog. Bydd y prosiect ehangach yn ymgymryd â gwaith i ddatblygu'r sefydliad er mwyn cefnogi cynaliadwyedd hirdymor yr Ymddiriedolaeth; sefydlu ac adfywio rhaglen gerddoriaeth a gwyliau, a chynnal cyfres o ddigwyddiadau bywiog ym meysydd y celfyddydau a byd natur; creu a chryfhau partneriaethau â sefydliadau cydlynol a'r gymuned leol; datblygu strategaeth ddehongli ar gyfer yr ystâd; a datblygu a chyflwyno rhaglen wirfoddoli i gefnogi cynaliadwyedd yr Ymddiriedolaeth.

Mae cyllid wedi'i sicrhau gan Gronfa Treftadaeth y Loteri Genedlaethol, Cronfa Treftadaeth Bensaernïol, Ymddiriedolaeth y Pererin a'r Gymdeithas Tai Hanesyddol i gefnogi Cyfnod Datblygu'r prosiect gwerth £961,591 ac rydym bellach wrthi'n adeiladu ein tîm prosiect.

Pensaer ac Arweinydd Tîm Dylunio Buttress <https://buttresearch.net/>

Rheoli Prosiectau Lode Heritage <https://www.lodeheritage.com/>

Rydym wrthi'n hysbysebu am Ymgynghorydd Cynllun Gweithgareddau, Cynlluniwr Busnes, Ymgynghorydd Gwerthuso, Ymgynghorydd Codi Arian ac Ymgynghorydd Dehongli.

Mae'r Ymddiriedolaeth yn croesawu cynigion gan ymgynghorwyr sy'n dymuno cyflawni mwy nag un o'r briffiau a hysbysebir; fodd bynnag, rhaid cyflwyno ceisiadau ar gyfer pob tendr ar wahân, a dylai ymgeiswyr ddatgan yn glir pa briffiau eraill maent yn ymgeisio ar eu cyfer.

3.0 Cwmpas y gwasanaethau

Bydd yr Ymgynghorydd Gwerthuso yn adrodd i Grŵp Llywio Prosiect Ymddiriedolaeth Gregynog drwy'r Rheolwr Prosiect, gan weithio'n agos â thîm y prosiect, staff a gwirfoddolwyr Ymddiriedolaeth Gregynog yn y meysydd canlynol:

3.1 Yn y Cyfnod Datblygu, bydd yr Ymgynghorydd yn:

- Adolygu ffrydiau incwm presennol yr Ymddiriedolaeth, ei gweithgareddau codi arian, a gallu'r sefydliad i godi arian
- Gweithio ochr yn ochr â'r Ymddiriedolaeth a'i phartneriaid i ddatblygu Strategaeth Codi Arian gynhwysfawr, hirdymor sy'n cyd-fynd â gweledigaeth yr Ymddiriedolaeth, ei huwchgynlluniau, a'i hamcanion cynaliadwyedd gan wahaniaethu rhwng:
 - o Gofynion cyllid cyfalaf cyfatebol y Cyfnod Cyflwyno
 - o Cynhyrchu incwm tymor hwy sy'n cyd-fynd â'r Uwchgynllun sy'n dod i'r amlwg i gefnogi anghenion cyfalaf a reffeniwr hirdymor yr ystâd
- Nodi ac asesu amrywiaeth eang o ffynonellau cyllid posibl o ran cyllid cyfatebol ar gyfer Cyfnod Cyflwyno'r prosiect gan gynnwys ond heb fod yn gyfyngedig i:
 - o Rhaglenni cyllido'r sector cyhoeddus
 - o Ymddiriedolaethau a Sefydliadau
 - o Cymynroddion a rhoddion a gynlluniwyd
 - o Nawdd corfforaethol a phartneriaethau
 - o Unigolion â gwerth net uchel a gwerth net uchel iawn
 - o Cyfleoedd ar gyfer incwm anghyfyngedig
- Diffinio dull clir o sicrhau cyllid cyfatebol ar gyfer y Cyfnod Cyflwyno. Rhagwelir y bydd hyn oddeutu £500,000
- Cynghori ar lywodraethu, systemau a phrosesau codi arian i gefnogi'r gwaith
- Cynorthwyo'r Ymddiriedolaeth i ddatblygu a chyflwyno ceisiadau angenrheidiol am gyllid i sicrhau cyllid cyfatebol ar gyfer y Cyfnod Cyflwyno

- Diweddarau'r Strategaeth Codi Arian i'w chynnwys yn y Cais i Gronfa Treftadaeth y Loteri Genedlaethol am y Cyfnod Cyflwyno
- Cyfrannu at gyfarfodydd adolygu a chynnydd Cyfnod Datblygu Cronfa Treftadaeth y Loteri Genedlaethol yn ôl y gofyn

Os bydd y prosiect yn llwyddo i gael cyllid ar gyfer ei Gyfnod Cyflwyno, rhagwelir y byddai'r Ymgynghorydd Gwerthuso yn cael ei ail-gontractio i gefnogi Cyfnod Cyflwyno'r prosiect.

3.2 Yn y Cyfnod Cyflwyno, bydd yr Ymgynghorydd yn:

- Adolygu ac ailffocysu'r strategaeth codi arian i ganolbwyntio ar godi arian refeniw a chynaliadwyedd y sefydliad yn yr hirdymor
- Darparu cyngor a mentora parhaus er mwyn meithrin y gallu i godi arian o fewn yr Ymddiriedolaeth
- Cynorthwyo i feithrin a stiwardio'r cyllidwyr, y rhoddwyr a'r partneriaid a nodwyd drwy'r strategaeth
- Cefnogi ceisiadau pellach am gyllid, trafodaethau â rhoddwyr posibl a chynigion partneriaethau yn ôl yr angen.
- Cynorthwyo i arallgyfeirio ffrydiau incwm i gryfhau gwydnwch ariannol hirdymor y tu hwnt i'r prosiect
- Monitro cynnydd yn erbyn targedau codi arian ac addasu dulliau yn ôl yr angen

4.0 Amodau penodi eraill

4.1 Disgwylir i'r ymgynghorydd fynychu cyfarfodydd prosiect misol (hybrid ar-lein/ar y safle)

4.2 Wrth dderbyn y comisiwn hwn, mae'r ymgynghorydd yn cytuno i drwyddedu hawlfraint yr holl ddeunyddiau a gynhrychir i gefnogi'r prosiect i Ymddiriedolaeth Gregynog a'i phartneriaid prosiect. Bydd gan Ymddiriedolaeth Gregynog yr hawl i ddefnyddio'r deunyddiau hynny fel y gwelant yn dda a heb gyfyngiad.

4.3 Rhaid i'r holl waith a gynhrychir gefnogi gofynion yr Elusen a'r cyllidwr. Dylai'r holl waith gael ei rannu â'r partneriaid, yn ôl cyfarwyddyd yr Elusen.

4.4 Bydd y penodiad yn amodol ar gymal terfynu ar ôl cwblhau'r Cyfnod Datblygu, fel, os na fydd ein cais Cyfnod Cyflwyno yn llwyddiannus, ni fydd y comisiwn yn parhau.

4.5 Disgwylir i'r Ymgynghorydd gydymffurfio â Chanllawiau Cydnabyddiaeth Cronfa Treftadaeth y Loteri Genedlaethol. [Acknowledgement Guidance](#)

4.6 Contract llawrydd yw hwn; mae ymgynghorwyr yn parhau i fod yn gyfrifol am eu rhwymedigaethau treth ac yswiriant gwladol eu hunain.

4.7 Bydd y taliad mewn rhandaliadau; cytunir ar amserlen dalu wrth benodi.

5.0 Profiad, gwybodaeth a sgiliau

Rydym yn chwilio am ymgeisydd sydd yn meddu ar:

- Brofiad o godi arian ar gyfer prosiectau cyfalaf
- Profiad o ddatblygu a chyflwyno strategaethau codi arian
- Profiad o godi arian yn y sector celfyddydau a threftadaeth
- Profiad o weithio ochr yn ochr â thîm cleientiaid i gyflawni amcanion codi arian
- Profiad o amrywiaeth eang o ddulliau o godi arian, gan gynnwys ymddiriedolaethau, a rhoddion gan unigolion a chorfforaethau
- Sgiliau rhyngbersonol rhagorol, a'r gallu gweithio gyda phobl o amrywiaeth eang o gefndiroedd
- Y gallu i gydbwyso ein hangen hirdymor am strategaeth codi arian hirdymor ar gyfer yr Ymddiriedolaeth a'r ystâd, gyda'r angen i gyflawni targed cyllid cyfatebol tymor byr ar brosiect *Codi'r To!*
- Profiad o ddatblygu strategaethau ariannu llwyddiannus yng Nghymru, gan ddod â dealltwriaeth o weithio yng Nghymru (dymunol)

6.0 Amserlen

Dychwelyd tendrau: 1200 prynhawn, 2 Ebrill 2026

Cyfweliadau (ar-lein): Wythnos yn dechrau 13 Ebrill 2026

Dechrau'r Contract: Ebrill 2026

Adolygiad cyfnod datblygu (rhagwelir) Rhagfyr 2026

Cais Cyfnod Cyflenwi (rhagwelir): Chwefror 2027

Cwblhau'r contract: Mawrth 2027

Mae amserlenni'r prosiect yn ddangosol a gallent newid yn ystod Cyfnod Datblygu'r prosiect.

7.0 Y Broses Ymgeisio

7.1 Ar gyfer unrhyw ymholiad ac i ymateb i'r tendr cysylltwch

â: Dale Copley, Rheolwr Prosiect

hello@lodeheritage.com

07841870445

Mae angen y wybodaeth ganlynol fel rhan o'r cyflwyniad:

- Manylion llawn y cyflenwr gan gynnwys manylion yr yswiriant atebolrwydd cyhoeddus, atebolrwydd cyflogwr ac yswiriant indemniad proffesiynol.
- Methodoleg gryno (cyfanswm o ddim mwy na 2 ochr o A4) yn disgrifio dull yr Ymgynghorydd o ymdrin â'r comisiwn.
- Cynnig ffi ar gyfer y gwaith, gan gynnwys dadansoddiad cost o'r ffioedd a'r dyraniad amser ar gyfer pob aelod o'r tîm a'r dyddiau gwaith disgwylidig. Dylai'r ffi gynnwys treuliau a nodi'n glir a oes TAW yn daladwy.
- Amserlen o'r gyfraddau/cyfraddau fesul dydd a fyddai'n berthnasol pe bai gwaith ychwanegol yn cael ei gyfarwyddo y tu hwnt i gwmpas y briff hwn
- CVs aelodau staff allweddol a fydd yn gweithio ar y prosiect
- Enghreifftiau o 3 phrosiect tebyg a gyflawnwyd yn ystod y pum mlynedd diwethaf
- Dau eirida

7.2 Mae Ymddiriedolaeth Gregynog yn cadw'r hawl i gynnal cyfweiliadau a/neu gyfarfodydd egluro gyda rhai o'r ymgynghorwyr tendro, neu bob un ohonynt, os ystyrir bod angen gwneud hynny. Gellir cymedroli'r asesiad ar sail cyfarfodydd egluro, os oes angen.

7.3 Gellir codi ymholiadau er eglurhad hefyd ar y sail uchod.

8. Meini Prawf Asesu

8.1 Bydd y cyflwyniadau a dderbynnir yn cael eu hasesu ar sail ansawdd/pris fel y disgrifir isod:

Ansawdd (pwysoliad 70%): Pris (pwysoliad 30%)

Meini Prawf Ansawdd

Mae'r fethodoleg arfaethedig yn bodloni cwrpas y gwasanaethau ac yn dangos ymwybyddiaeth o'r cyd-destun gweithredol ac anghenion yr Ymddiriedolaeth Methodoleg a dull o ymdrin â'r comisiwn (uchafswm 2 ochr)	30%
Mae gan yr ymgynghorydd brofiad o ddatblygu a chyflwyno strategaethau codi arian ar gyfer prosiectau cyfalaf o gwmpas a maint tebyg. Enghreifftiau o brosiectau tebyg a gyflawnwyd yn ystod y 5 mlynedd diwethaf a geirdaon.	15%
Mae gan aelodau arfaethedig y tîm brofiad o godi arian ar gyfer prosiectau y mae Cronfa Treftadaeth y Loteri Genedlaethol yn eu hariannu, ac o weithio gyda chleientiaid tebyg. CVs	15%
Gwerth am arian. Ffi a gynigir .	10%

ANNIGONOL	Yn methu'n llwyr â bodloni'r safonau gofynnol, neu nid yw'n darparu cynnig.	0
GWAEL	Mae'r cynnig yn methu'n sylweddol â bodloni'r safonau gofynnol, mae'n cynnwys diffygion sylweddol a/neu mae'n anghyson â chynigion eraill.	1
LLAI NA BODDHAOL	Mae'r cynnig yn methu â bodloni'r safonau gofynnol mewn nifer o agweddau y gellir eu nodi ac yn arwain y gwerthuswr i wneud rhagdybiaethau.	2
BODDHAOL	Mae'r cynnig yn bodloni'r safonau gofynnol.	3
DA	Mae'r cynnig yn bodloni'r safonau gofynnol ym mhob agwedd berthnasol ac yn dangos dealltwriaeth dda o'r gofynion.	4
RHAGOROL	Mae'r cynnig yn bodloni'r safon ofynnol ym mhob agwedd berthnasol ac yn rhagori ar rai neu bob un o'r gofynion o bwys.	5

Cost

Bydd y gost isaf yn derbyn 30%. Yna bydd cost pob cyflwyniad yn derbyn cyfran o'r 30% ar sail pro rata. Felly, os yw'r gost isaf yn £8,000 a chost arall a gyflwynir yn £12,000, bydd y dyfynbris o £8,000 yn derbyn 30% a bydd y dyfynbris o £12,000, sef 1.5 gwaith y dyfynbris isaf, yn derbyn 20% ($12,000 / 8,000 = 1.5$, $30 / 1.5 = 20$)	30%
--	-----

8.2 Mae Ymddiriedolaeth Gregynog yn cadw'r hawl i beidio â derbyn y pris isaf nac unrhyw dendr arall a dderbynnir.

DIWEDD